

Tɔnɔ kʊɓ Pooli na pɔpɔnti o pa  
**TITI** tɪn

**T**ɔnɔ kʊɓ Pooli na pɔpɔnti o pa Titi tɪn na brɪ dɪbam  
 kʊɓ tɪn mʊ tɪntʊ

**Titi** yɪ Zezi karabu mʊ o na dai Zwifu. O dɛɛn tɔgtɔ dɪ  
 Pooli o tɔŋɪ Wɛ tɪtɔŋa yam. Maŋa kalɔ Pooli na pɔpɔnti  
 tɔnɔ kʊntʊ o pa-o tɪn, o wɔ Krɛtɪ nɪ mʊ, mɛ o na maŋɪ  
 sɪ o nii Zezi nɔɔna bam baŋa nɪ sɪ woŋo maama taa yɪ  
 lanyɪrɪntɪ tɪn.

**Pooli** dɛ yigə o brɪ Wɛ nɔɔna yigə tiinə na maŋɪ sɪ ba  
 taa yɪ te tɪn (pɔɔrɪm 1).

**O ma ta brɪ** Titi, o na wʊ kwe Wɛ nɔɔna bam dwi təri  
 təri te tɪn, kʊ na yɪ nankwɪn dɪ kazɪna (sɪ bantʊ dɪ zaast  
 ka-dɔnnʊ tɪm), kʊ na yɪ bu-dɔnnʊ dɪ gambɛ maama  
 (pɔɔrɪm 2).

**O laan ma brɪ** Wɛ nɔɔna bam na maŋɪ sɪ ba taa kɪ te  
 tɪn, sɪ ba wantɪ ba taa zɔvɪrɪ daantɪ dɪ ywəəni, sɪ kantɔgɔ  
 dɪ kampwara yɪ zɔ ba tɪtari (pɔɔrɪm 3).

<sup>1</sup> Amʊ Pooli wʊɓ na yɪ Wɛ gamba-sono dɪ Zezi Krisi  
 tɪntʊŋnʊ tɪn mʊ pɔpɔnti tɔnɔ kʊntʊ sɪ a pa nmʊ Titi.  
 Wɛ mʊ pɛ sɪ a pa balʊ Dɪ na kuri sɪ ba taa yɪ Dɪ nɔɔna  
 tɪn taa jɪgtɪ wɔ-dɪdʊa dɪ Dɪ, sɪ ba kwəri ba lwarɪ Dɪ cɪga  
 kam. Cɪga kam kʊntʊ nan mʊ paɪ nɔɔna ŋwɪ nɪ Wɛ na  
 lagɪ te tɪn, <sup>2</sup> sɪ ba wantɪ ba taa jɪgtɪ tɪna nɪ baá na ŋwɪa  
 kalɔ na ba ti tɪn Wɛ tee nɪ. Kʊ na loori lɔgʊ pulim tɪn,  
 mʊ Wɛ maŋɪ Dɪ go ni sɪ Dɪ pa dɪbam ŋwɪa kam kʊntʊ,  
 yɪ Dɪ bá kwantɪ Dɪ ni. <sup>3</sup> Kʊ daartɪ ka maŋa kam na yi tɪn,  
 Wɛ ma pa dí lwarɪ Dɪ taantɪ dɪm kʊntʊ kuri jaja. Kʊ yɪ  
 kwərə kam kʊntʊ mʊ Wɛ na yɪ dɪbam Vɪrnʊ tɪn pɛ amʊ  
 ni sɪ a taa tɔɔɪ a brɪ nɔɔna.

<sup>4</sup> Nmυ Titi yɪ nɪnɛɛnɪ amυ tɪtɪ bu mυ te, dɪ maama na jɪgt wυ-dɪdva dɪ Zezi tɪn ɲwaantɪ.

Dɪ Ko Wɛ dɪ dɪ Vɪrɪv Zezi Krisi wɔ pa nmυ yazurə dɪ yu-yoɲo.

*Zezi* kɔgɔ kɔm nakwa na maɲɪ sɪ ba taa yɪ te tɪn

<sup>5</sup> Amυ dɛɛn na yagɪ nmυ Krɛtɪ nɪ tɪn, kɔ yɪ sɪ n kwaantɪ n kɪ wənu tɪlɔ na daartɪ sɪ n kɪ tɪn mυ. Zezi nɔɔna bam na wɔ tɪv kɔlɔ maama nɪ tɪn, sɪ n lɪ nakwa tiinə da, nɪnɛɛnɪ a na maɲɪ a ta dɪ nmυ te tɪn. <sup>6</sup>Nmυ na lɪ nɔɔnɔ wɔlɔ tɪn, o maɲɪ sɪ o taa yɪ wɔlɔ nɔɔna na bá ta jɪgt o yɪra taantɪ tɪn mυ. O nan maɲɪ sɪ o taa jɪgt kaantɪ dɪdva yɪtrantɪ mυ. Kɔ maɲɪ sɪ o biə dɪ sɛ Wɛ, sɪ ba yɪ taa yɪ nɔn-kayɛ dɪ bant-nyɪna. <sup>7</sup>Bɛɲwaantɪ kɔ maɲɪ sɪ wɔlɔ na nii Zezi nɔɔna bam tɪn taa yɪ wɔlɔ nɔɔna na bá ta jɪgt o yɪra taantɪ tɪn mυ, Wɛ na kɪ Dɪ nɔɔna bam wɔntɔ jɪɲa nɪ tɪn ɲwaantɪ. O wɔ maɲɪ sɪ o taa yɪ biyɪrɪ-nyɪm, naa nɔɔnɔ wɔlɔ bantɪ na lɔmma tɪn, naa sa-nyɔrɔv naa najajarɔv, naa wɔlɔ na kɪ kampinə sɪ o ma na wənu tɪn. <sup>8</sup>Kɔ nan maɲɪ sɪ o taa yɪ nɔɔnɔ wɔlɔ na jeeri vərə lanyɪtrantɪ tɪn. O maɲɪ sɪ o taa yɪ nɔn-ɲɔm wɔlɔ na cv o tɪtɪ yɪ o tɔgt Wɛ dɪ cɪga yɪ o wat o tɪtɪ o jaana tɪn. <sup>9</sup>O maɲɪ sɪ o yɔɔrɪ o taa tɔgt taantɪ dɪlɔ na yɪ cɪga, nɪ dɪbam na maɲɪ dɪ brɪ abam te tɪn. Kɔntɔ, oó wantɪ o brɪ nɔɔna badonnə sɪ ba taa tɔgt Wɛ cɪga kam kɔntɔ, yɪ o daartɪ o pa balɔ na vɪn Wɛ cɪga kam tɪn lwartɪ nɪ ba tusi mυ.

<sup>10</sup>Bɛɲwaantɪ bant-nyɪna zanzan mυ wɔ abam tee nɪ, ba na yəni ba ɲɔɔnɪ bitartɪ sɪlɔ na ba jɪgt kuri tɪn ba ma gantɪ nɔɔna. Ba zanzan mυ yɪ balɔ na tiini ba sɛ ba Zwifə bam cullu tɪm tɪn. <sup>11</sup>Abam nan maɲɪ sɪ á pa ba pu ba niə mυ dɪ ba zaastɪm dɪm kɔntɔ, bɛɲwaantɪ ba zaastɪm dɪm yəni dɪ pat nɔɔna dɪ ba sɔɲɔ tiinə maama mυ tusi Wɛ cwəɲə kam wɔntɪ. Ba yəni ba brɪ kɔlɔ na wɔ maɲɪ sɪ ba

bri nõõna tɪn mʊ, ba ma gant-ba ba jonji sæbu. <sup>12</sup> Krɛtɪ tiinæ bam tɪtɪ yiyæn-yeenu dɛɛn mʊ tagɪ o wɪ: «Krɛtɪ tiinæ yæni ba fɔ vwan mʊ maŋa maama. Ba nytɪ dɪ varɪ-balwaarʊ mʊ te, yɪ ba ta yɪ yawɔrɪ-nyɪna dɪ nɔn-kwælu dɪ.»

<sup>13</sup> O nan na tagɪ kʊntʊ tɪn, kʊ yɪ cɪga mʊ o taga. Kʊntʊ ŋwaant mʊ n maŋɪ sɪ n tiini n kaant Krɛtɪ tiinæ bam, sɪ kʊ pa ba yɔɔrɪ ba taa tɔgɪ Wɛ cɪga kam lanyɪrant, <sup>14</sup> sɪ ba daa yɪ sɛ Zwifæ bam sɪnswalt sɪlʊ na ba jɪgɪ kuri tɪn, naa ba sɛ nabiinæ tɪtɪ wʊbʊŋa cullu tɪm ba na yagɪ cɪga kam yɪ ba daartɪ ba tɔgɪ tɪn. <sup>15</sup> Wʊlʊ maama na jɪgɪ wʊ-pɔŋo tɪn, kʊlʊkʊlʊ ba jɪgɪ digiru wʊntʊ tee nɪ. Kʊ daartɪ wʊlʊ na vɪn Wɛ yɪ o ba jɪgɪ wʊ-pɔŋo tɪn, kʊlʊkʊlʊ tɛrə kʊ na lana wʊntʊ tee nɪ. Kʊntʊ tu wʊbʊŋa cɔgɪ mʊ, yɪ o daa yæri kʊlʊ na maŋɪ tɪn. <sup>16</sup> Nõõna bam kʊntʊ donnæ nan tɛ ba wɪ, ba ye Wɛ mʊ, yɪ ba tɪtʊŋa laan yagɪ ya ba tɔgɪ Wɛ wʊbʊŋa. Ba yɪ bant-nyɪna mʊ, yɪ ba tiini ba kɪ lwarɪm kʊ ja gaaltɪ. Ba wart kʊlʊ na lana tɪn ba kɪ.

## 2

*Zaastɪm* dɪlʊ na yɪ cɪga yɪ dɪ wæli nõõna tɪn

<sup>1</sup> Kʊ daartɪ kʊ na yɪ nmʊ Titi, ta n bri nõõna bam kʊlʊ na maŋɪ dɪ cɪga zaastɪm dɪm tɪn. <sup>2</sup> Nmʊ maŋɪ sɪ n bri nankwɪn sɪ ba taa yɪrɪ ba tɪtɪ mʊ, sɪ ba kwæri ba taa yɪ balʊ nõõna na nɪgɪ-ba tɪn, sɪ ba taa cʊ ba tɪtɪ, sɪ ba yɔɔrɪ ba sɛ Zezi dɪ wʊ-dɪdʊa dɪ sono dɪ pu-dɪa.

<sup>3</sup> Nan bri kazɪna sɪ ba taa jɪgɪ ba tɪtɪ sɪ kʊ pa Wɛ na zulə ba tee nɪ, sɪ ba yɪ taa yɪ bɪbartɪ-nyɪna naa sa-nyɔra. Ba nan maŋɪ sɪ ba taa kwe nõõna kwɪə yalʊ na lana tɪn mʊ. <sup>4</sup> Kʊntʊ mʊ baá wantɪ ba bri ka-bwænə ba na wú ta soe ba banna dɪ ba biə te tɪn, <sup>5</sup> sɪ ba daartɪ ba taa cʊ ba tɪtɪ, sɪ ba yɪ taa kɪ digiru, sɪ ba kwæri ba taa yɪ ka-yʊʊrʊ

tɪɫʊ na tʊŋɪ sɔŋɔ tɪtʊŋa lanyɪranti yɪ ba sɛ ba banna ni tɪn. Kʊntʊ, nɔɔna daa bá wani ba yáali Wɛ kwɛr-ywɛŋɔ kam. <sup>6</sup> Kʊ zɪ na yɪ nɔn-dʊnnʊ, sɪ n kwe-ba sɪ ba dɪ taa cʊ ba tɪtɪ woŋo maama wʊntɪ.

<sup>7</sup> Kʊ nan na yɪ nmʊ tɪtɪ, kʊ maŋɪ sɪ n tʊŋɪ tɪtʊŋ-ŋʊna yalʊ na wʊ brɪ nɔɔna sɪ ba dɪ tɔŋɪ cwɛŋɔ lanyɪranti tɪn, sɪ n daartɪ n brɪ-ba Wɛ kwɛrɛ kam lanyɪranti dɪ cɪga. <sup>8</sup> Pa n ni-taantɪ taa jɪŋɪ cɪga, sɪ nɔɔn-nɔɔnʊ yɪ wantɪ o yáali-dɪ. Kʊntʊ wʊ pa dɪbam dʊna na cavɪtra, ba daa na bá na woŋo sɪ ba maa ŋɔɔntɪ ba cɔŋɪ dɪbam tɪn ŋwaantɪ.

<sup>9</sup> N daartɪ n kwe gambɛ nɪ kʊ maŋɪ sɪ ba sɛ ba tiinɔ woŋo maama wʊntɪ, sɪ kʊ pa ba tiinɔ bam wʊ poli. Ba yɪ vɪn ba tiinɔ bam ni. <sup>10</sup> Ba nan wʊ maŋɪ sɪ ba ŋɔ-ba. Ba maŋɪ sɪ ba tʊŋɪ lanyɪranti dɪ cɪga mʊ woŋo maama wʊntɪ, sɪ kʊ pa nɔɔna lwartɪ nɪ dɪbam Wɛ dɪɫʊ na yɪ dí Vɪrnʊ tɪn zaastɪm dɪm lamma.

<sup>11</sup> Bɛŋwaantɪ, Wɛ pɛ dí lwartɪ Dɪ sono kʊm na dagɪ zanzan te, sɪ kʊ pa nɔɔna maama wantɪ ba na vrɪm Dɪ tee nɪ. <sup>12</sup> Dɪ ma daartɪ Dɪ brɪ dɪbam nɪ kʊ maŋɪ sɪ dí yagɪ lwartɪm tɪtʊŋa maama dɪ lʊŋʊ wo-yɔɔrʊ tɪɫʊ dí fra na zʊbrɪ tɪn, sɪ dí taá cʊ dí tɪtɪ, sɪ dí taá tɔŋɪ cɪga cwɛŋɔ, sɪ dí daartɪ dí taá kwari Wɛ lanyɪranti lʊŋʊ baŋa nɪ. <sup>13</sup> Kʊ nan maŋɪ sɪ dí taá yɪ kʊntʊ mʊ, sɪ dí taá jɪŋɪ tɪna dɪ wʊpolo, sɪ dí cɛŋɪ Zezi Krisi sɪ o joori o ba dɪ paartɪ zulɛ. Wʊntʊ mʊ yɪ dɪbam Wɛ dɪɫʊ na yɪ kamunu yɪ o yɪ dí Vɪrnʊ tɪn. <sup>14</sup> Wʊntʊ mʊ sɛ o tɪ dɪbam ŋwaantɪ, sɪ o ma vrɪ dɪbam lwartɪm dwi maama wʊntɪ, sɪ o daartɪ o fɔŋɪ o kwɛ dí bɪcara sɪ dí taá yɪ o tɪtɪ nɔɔna, sɪ dí taá kwaantɪ dí tʊŋɪ tɪtʊŋ-ŋʊna.

<sup>15</sup> Nan ta n brɪ nɔɔna wɛɛnu tɪm kʊntʊ, sɪ n daartɪ n kwe-ba, sɪ n kwari n kaantɪ-ba, nɪ Wɛ na pɛ nmʊ ni sɪ n kɪ te tɪn. Nan yɪ sɛ sɪ nɔɔn-nɔɔnʊ gooni-m.

## 3

WE nɔɔna na maŋt sɪ ba taa yɪ te tɪn

<sup>1</sup> Guli n brɪ nɔɔna bam nɪ ba maŋt sɪ ba taa nɪgtɪ ba tɪv kum yigə tiinə dɪ balɔ na yɪ dɪdɛɛra tɪn, sɪ ba taa sɛ ba ni. Ba nan maŋt sɪ ba taa tɔŋtɪ tɪtɔŋ-ŋɔna dwi maama mu. <sup>2</sup> Ba nan yɪ zaŋtɪ ba twɪ nɔɔn-nɔɔnɔ, naa ba taa yɪ najajara. Ku maŋt sɪ ba taa zuli nɔɔna mu, sɪ ba daartɪ ba taa jɪgtɪ wɔ-bono dɪ nɔɔna maama.

<sup>3</sup> Bɛŋwaantɪ dɪbam maama dɛɛn yɪ nayəri-nyɪna mu, yɪ dɪ tusi, yɪ dɪ vɪn WE ni. Dɪbam fra dɛɛn mu te dɪbam, yɪ dɪ tɔgtɪ wo-yɔɔrɔ tɪv maama dɪ wɔbɔŋa na lagɪ tɪn. Dɪ maa yəni dɪ jɪgtɪ pu-sɪŋa dɪ wɔ-gɔv yɪ dɪ culi daantɪ. <sup>4</sup> Nan dɪ ku dɪ, WE dɪlɔ na yɪ dɪbam vɪrɔv tɪn brɪ jaja nɪ Dɪ soe nabiinə lanyɪrantɪ, yɪ Dɪ vrɪ dɪbam lwarɪm wɔnɪ Dɪ yagɪ. <sup>5</sup> Ku nan datɪ dɪbam na kɪ kəm-laarɔ tɪn ŋwaantɪ, ku yɪ WE na yɪ ŋwaŋa tu tɪn ŋwaantɪ mu. Dɪ ma pa Dɪ Joro kum zarɪ wo-digiru tɪv na wɔ dɪ bɪcara nɪ tɪn, yɪ Dɪ daartɪ Dɪ pa dɪbam wɔbɔŋ-dɔvɔra, sɪ dɪ na ŋwɪ-dɔŋa Dɪ tee nɪ. <sup>6</sup> Ku maa yɪ dɪbam vɪrɔv Zezi Krisi ŋwaantɪ mu WE tɔŋtɪ Dɪ Joro kum Dɪ pa dɪbam zaantɪ, <sup>7</sup> sɪ dɪ wantɪ dɪ na cɪga Dɪ tee nɪ Dɪ zaantɪ dɪm ŋwaantɪ, sɪ dɪ daartɪ dɪ na WE wo-laarɔ tɪm dɪ na yɪ Dɪ biə yɪ dɪ jɪgtɪ tɪna nɪ dɪ wɔ na ŋwɪa kalɔ na ba tɪ Dɪ tee nɪ tɪn ŋwaantɪ.

<sup>8</sup> A na tagɪ taantɪ dɪlɔ tɪn yɪ cɪga mu. Kuntɔ, a lagɪ sɪ n kwaantɪ n brɪ wəɛnu tɪm kuntɔ lanyɪrantɪ, sɪ ku pa balɔ na sɛ WE tɪn tiini ba taa kɪ kəm-laarɔ. Kuntɔ mu lana yɪ ku jɪgtɪ kuri ku patɪ nɔɔna maama. <sup>9</sup> Ku daartɪ n maŋt sɪ n cɪ n tɪttɪ dɪ kantɔgɔ dwi maama, ku na yɪ bɪtar-yɔɔrɔ baŋa nɪ dɪ dɪ kwə dwi natɔga kam baŋa nɪ dɪ Zwifə bam cullu tɪm baŋa nɪ, sɪ tɪ ba jɪgtɪ nyɔɔrɪ tɪ yɪ kafɛ mu. <sup>10</sup> Nɔɔnɔ wɔlɔ na jaantɪ kampwara o tui nɔɔna tɪtartɪ nɪ tɪn, sɪ n kaantɪ kuntɔ tu nɪnɛɛnɪ kuni

bɪle te. O ta na wɔ sɛ nmɔ taant dɪm, sɪ á cɪ á tɪtɪ dɪd-o.  
<sup>11</sup> Bɛɣwaant nmɔ ye nɪ, nɔɔnɔ na yɪ kɔntɔ doɣ, o daa  
 ba lagt sɪ o tɔɣɪ cwəɣə. O tusim dɪm mɔ brɪ nɪ o bá na  
 bɔra Wɛ tee nɪ.

<sup>12</sup> A lagt a tɔɣɪ Aritimast naa Tisiki mɔ nmɔ tee nɪ.  
 Ba wɔɔ na yi nmɔ te tɪn, sɪ n kwaant n ba amɔ te lɪla  
 Nikopolisi nɪ, bɛɣwaant a lɪ wɔbɔɣa sɪ a maɣɪ dáant  
 mɔ sɪ waarɔ tɪm maɣa kɛ. <sup>13</sup> Nan kwaant n wəli Zenast  
 wɔɔ na yɪ bɪtar-yeenu tɪn dɪ Apolɔst ba cwəɣə kam  
 vəɣə ɣwaant, sɪ n pa-ba kɔɔ maama na muri-ba tɪn. <sup>14</sup> Pa  
 dɪ ko-biə bam taa ye nɪ kɔ maɣɪ sɪ ba tiini ba kwaant ba  
 taa kɪ kəm-laarɔ mɔ, sɪ ba want ba zəni balɔ na maɣɪ  
 zəɣə tɪn. Kɔntɔ mɔ wɔ pa ba ɣwɪa taa jɪɣɪ kuri nɔɔna  
 maama tee nɪ.

<sup>15</sup> Dɪ ko-biə balɔ na wɔ amɔ tee nɪ tɪn maama jɔɔnt  
 nmɔ. Jɔɔnt balɔ maama na sɛ Zezi yɪ ba yɪ dɪbam cilon-  
 sonnu tɪn n pa dɪbam.

Wɛ wɔ pa abam maama yu-yoɣo.

WƐ TƆNƆ dɪ kasɪm

Kasem (Kassem): WƐ TƆNƆ dɪ kasɪm New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 25 May 2022

993cfae5-b100-5981-87e7-5a648d773cb9